



Comune di Quartu Sant'Elena
Comunu de Quartu Sant'Aleni



MONUMENTUS DE QUARTU SANT'ALENI

Parcu de Molentàrgius



Su stàini de Molentàrgius, paris cun su Poetu e is Salinas de Stadu, est una zona ùmida cun un'arrichesa de matas, tupas, erbas, froris e animalis. Est s'habitat de is pillonis chi ddoi bivint totu s'annu e finsas de pillonis andarinus, de su caboni de àcua, de su crobu de mari, de sa menga, de su cau marinu. In prus ddoi nidant is mangonis, connotus finsas comentis a genti arrùbia (gentarrùbia).

Su Parcu dd'iant istituìu in su 1999, est un'ecosistema ùnicu in totu su mundu cun 400 genias de matas, calincuna chi arriscat finsas de si sparessi, e 200 arratzas diferentis de pillonis. Su stàini de is salinas ddu imperànt gai in antigòriu po su sali. Is Fenìcius ddu cumertziànt in totu su Mediterràneu, e apustis iant fatu sa pròpiu cosa is Romanus, is Pisanus e is Aragonesus. Ddoi funt is edifitzius industrialis, su teatru de is salinas, is bartzas a colori de arrosa, is domus, is magasinus e is depòsitus, innui s'arregolliat su sali.

Po nci portai su sali imperànt is molentis: de custu ndi benit su nòmini de Molentàrgius.